

四部文明

西安曲江文化產業投資集團支持

文懷沙 主編

魏晉南北朝文明卷



(十九)

陝西震旦漢唐研究院 編纂
陝西人民出版社

四部文明

文懷沙主編

魏晉南北朝文明卷

十九

陝西震旦漢唐研究院編纂
陝西人民出版社

「魏晉南北朝文明卷」十九



全三國六朝文二

全晉文一百六十七卷（二）（卷八十至百六七）

全宋文六十四卷

〔清〕嚴可均輯 三一—五一〇

〔清〕嚴可均輯 五一—一八五三

全三國六朝文二



全晉文卷八十

烏程嚴可均校輯

張敏

敏太原中都人咸寧中爲尚書郎領祕書監太康初出爲益州刺史有集二卷

奇士劉披賦

蓋土龍不可召升天石人不任爲亭長容兒雖侶蹠足難獎初學記五神女賦并序

世之言神女者多矣然未之或驗也至如弦氏之婦案搜神記云公名則近信而有證者夫鬼魅之下人也無不羸病損瘦今義起案搜神記云齊北平安無恙而與神女飲宴寢處縱情極意豈不異哉余覽其歌詩案搜神記有辭旨清偉故爲之作賦皇覽余之純德步朱關之崢嶸靡飛除而入祕殿侍太極之穆清

全晉文卷八十

張敏

帝愍余之勤肅將休余于中州託玄靜曰自處是夫子之好仇于是主人撫然而問之曰爾豈是周之褒姒齊之文姜孽婦淫鬼來自藏乎儻亦漢之游女江之娥皇厭眞樂倦倦仙侍乎于是神女乃敏袂正襟而對曰我實貞淑子何猜焉且辯言知禮恭爲令則美姿天挺盛飾表德曰此承歡君有何惑爾乃敷茵席垂組帳嘉旨既設同牢而饗微聞芳澤心盪意放于是尋房中之至燕極長夜之權情心眇眇曰忽忽想止里之遺聲既澹泊于幽默揚覺寐而中驚二語從文選謝靈運擬鄴中集詩注補賦斯時之要妙進偉服之紛敷俛撫征而告辭仰長歎曰欬吁乘雲霧而變化遙棄我其焉如藝文類聚七十九

神女傳

弦義起感神女智瓊智瓊後去賜義起織成裙衫北堂書鈔一百二十九頭責子羽文



余友有秦生者雖有姊夫之尊少而狎焉同時好嘔有太原溫長仁臨潁川荀景伯寓范陽張茂先華上郡劉文生許南陽鄒潤甫湛河南鄭思淵詡數年之中繼踵登朝而此賢身處陋巷屢沽而無善價亢志自若終不衰墮爲之慨然又怪諸賢既已在位曾無伐木嘤鳴之聲甚違王貢彈冠之義故因秦生容貌之盛爲頭責之文曰戲之并曰嘲六子爲雖侶諸謹實有興也其文曰

維秦始元年頭責子羽曰吾託子爲頭萬有餘日矣大塊稟我曰精造我曰形我爲子植髮膚置鼻耳安眉須插牙齒眸子摘光雙顧隆起每至出入人間遨遊市里行者辟易坐者踈踈或稱君侯或言將軍奉手傾側佇立崎嶇如此者故我形之足偉也子冠冕不戴金銀不佩釵釵曰當筭輪曰代輶旨味弗嘗食粟茹菜隈摧園間糞壤汗黑歲莫年過留不自悔子厭我于形容我賤子乎意態若此者乎必子行之累也子遇我如讎我視子如仇居常不樂

全晉文卷八十

張敏

二

兩者俱憂何其鄙哉子欲爲仁賢也則當如皋陶后稷巫咸伊陟保又王家永見封殖子欲爲名高也則當如許由子臧卞隨務光洗耳逃祿千歲流芳子欲爲遊說也則當如陳軫蒯通陸生鄧公轉禍爲福令辭從容子欲爲進趣也則當如賈生之求試終軍之請使砥礪鋒穎曰韓王事子欲爲恬淡也則當如老聃之守一莊周之自逸廓然離俗志凌雲日子欲爲隱遁也則當如榮期之帶索漁父之澣澣棲遲神丘垂餌巨壑此一介之所召顯身成名者也今子上不希道德中不效儒墨塊然窮賤守此愚惑察子之情觀子之志退不能爲處士進無望于三事而徒翫日勞形習爲常人之所喜不亦過乎于是子羽愀然深念而對曰凡所教救謹聞命矣曰受性拘係不聞禮義設曰天幸爲子所寄今欲使吾爲忠也卽當如伍胥屈平欲使吾爲信也則當殺身曰成名欲使吾爲介節邪則當赴水火曰全貞此四者子之所忌故吾不敢造意頭

日子所謂天刑地網剛德之尤不登山抱木則褰裳赴流吾欲告爾曰養性誨爾曰優游而與蟣蝨同情不聽我謀悲哉俱寓人體而獨爲子頭且擬人其倫喻子儕偶子不如太原溫顯穎川荀寓范陽張華上郡劉許南陽鄒湛河南鄭詡此數子者或嘗吃無宮商或佞陋希言語或淹伊多姿態或驕騃少智諳或口如含膠俗或頭如巾齋杵而猶文采可觀意思詳序攀龍附鳳竝登天府夫砥痔得車沈淵得珠豈若夫子徒令唇舌腐爛手足沾濡哉居有事之世而恥爲權謀譬猶鑿池抱甕難曰求富嗟乎子羽何異牢檻之熊深窞之虎石間飢餓寶中之鼠事力雖勤見功甚苦宜其拳局前蹙至老無所希也支離其形猶能不困非命也夫豈與夫子同處也

世說排調篇注引敘集又見藝文類聚十七

李毅

毅字允剛廣漢郡人太守王濬召爲主簿濬爲益州刺史進別

全晉文卷八十一

李毅 劉士

三

駕舉秀才隨府爲龍驤參軍從平吳封關內侯除隴西護軍徙繁令遷雲南太守徙樞爲太守使持節南夷校尉尋置益州進刺史加龍驤將軍封成都縣侯卒贈少府諡曰威案李重傳別彥太康中爲尚書吏郎同時同姓名非卽此病篤上疏陳謝

臣不能式遏寇虐疾與事遇使虜游魂兵穀既單器械窮盡而求救無望坐待殄斃若必不垂矜憂乞請大使及臣尙存加臣重罪若臣已死陳屍爲戮

劉卞

卞字叔龍東平須昌人爲尙書令史泰康初遷齊王攸司空主簿轉太常丞司徒左西曹掾尙書郎元康中累遷散騎常侍除并州刺史入爲太子左衛率目忤賈后遷輕車將軍雍州刺史懼誅飲藥死

王愷子昌前母服議

愷在南爲邦族于北爲羈旅曰此名分言之前妻爲元妃後妻爲繼室何至王路既通更當逐其今妻廢其嫡子不書姜氏絕不爲親曰其犯至惡也趙姬雖貴必推叔隗原同雖寵必嫡宣孟若違禮苟讓何則春秋所當善也論者謂地絕其情終已不得往來今地既通何爲故當追而絕之邪黃昌見美斯又近世之明比

晉書禮志

溫羨

羨字長卿太原祁人齊王攸辟爲掾遷尙書郎惠帝卽位拜豫州刺史入爲散騎常侍累遷尙書轉吏部尙書封大陵縣公出爲冀州刺史加後將軍尋避位徵爲中書監加散騎常侍未拜懷帝卽位遷左光祿大夫開府領司徒卒贈司徒諡曰元

駁論張華

全晉文卷八十

溫羨

四

自天子已下爭臣各有差不得歸罪于一人也故晏子曰爲己死亡非其親昵誰能任之里克之殺二庶陳乞之立陽生漢朝之誅諸呂皆積年之後乃得立事未有事主見存而得行其志于數月之內者也式乾之會張華獨諫上宰不和不能承風贊善望其指麾從命不亦難乎況今皇后譖害其子內難不預禮非所任且后體齊于帝尊同皇極罪在枉子事不爲逆義非所討今呂華不能廢枉子之后與趙盾不討殺君之賊同而追責之于義不經通也

溫嶠

晉書溫羨傳先是張華被誅齊王固輔政建議欲復其官爵論者或曰爲非羨駁之

嶠字太眞羨弟愷之子初爲司隸都官從事後舉秀才司徒辟東閣祭酒補上黨潞令劉琨請爲平北參軍隨府遷大將軍從事中郎上黨太守加建威將軍督護前錄軍事又隨府遷司空右司馬進左長史元帝卽位除散騎侍郎歷王導驃騎長史遷

太子中庶子明帝卽位拜侍中轉中書令王敦請爲左司馬入
補丹陽尹加中壘將軍持節都督安東北部諸軍事敦平封建
寧縣公進號前將軍成帝卽位代應詹爲江州刺史持節都督
平南將軍鎮武昌蘇峻平拜驃騎將軍開府儀同三司加散騎
常侍封始安郡公卒贈侍中大將軍諡曰忠武有集十卷

蟬賦

飢喻晨風渴飲朝露魏文類聚九十
初學記三十

理劉司空表

琨忠誠雖勳業不遂然家破身亡宜在哀崇晉書
溫嶠慰海內之望

請召劉羣等表羣字公度
劉琨子

姨弟劉羣內弟崔悅盧諶等皆在末波中翹首南望思謂此等並
有文思魏志盧毓傳注引晉諸
公贊作清出有文思于人之中少可愍惜如蒙錄召繼

全晉文卷八

溫嶠

五

絕興亡則陛下更生之恩望古無二晉書劉
羣傳

舉荀崧爲祕書監表

夫國史之興將以明得失之迹謂之實錄使一代之典煥然可觀
今之祕書著作是也散騎常侍松文質彬彬思義通博歷位先朝
莅事以穆宜掌祕與宣明史籍通典二十六
卷二百三十三

上太子疏諫起西池樓觀

朝廷草創巨寇未滅宜應儉晉書溫
嶠傳率下務農重兵

上疏辭中書令

臣才短學淺文疏不通中書之職酬對無方斟酌輕重豈惟文疏
而已自非望士良才何可安居斯任初學記十一
御覽二百二
十疏引檀道鸞晉陽秋

請原王敦佐吏疏

王敦剛愎不仁忍行殺戮親任小人疏遠君子朝廷所不能抑骨
肉所不能閒處其朝者恆懼危亡故人士結舌道路目目誠賢人

君子道窮數盡遵養時晦之辰也且敦爲大逆之日拘錄人士自
免無路原其私心豈遑晏處如陸玩羊曼劉胤蔡謨郭璞常與臣
言備知之矣必其凶悖自可罪人斯得如其枉入姦黨宜施之已
寬加已玩等之誠聞于聖聽當受同賊之責實負其心陛下仁聖
含弘思求允中臣階緣博納干非其事誠在愛才不忘忠益晉書
溫嶠

陳便宜疏

豫章十郡之要宜以刺史居之尋陽濱江都督應鎮其地今以州
帖府進退不便且古鎮將多不領州皆以文武形勢不同故也宜
選單車刺史別撫豫章專理黎庶晉書溫
嶠傳

上言桓彝可宣城內史

宣城阻滯山川頻經變亂宜得望實居之竊謂桓彝可充其選晉書
溫嶠

全晉文卷八十

溫嶠

六

奏軍國要務七事

其一曰祖約退舍壽陽有將來之難今二方守禦爲功尙易淮泗
都督宜竭力以資之選名重之士配征兵五千人又擇一偏將將
二千兵以益壽陽可保固徐豫援助司土

其二曰一夫不耕必有受其飢者今不耕之夫動有萬計春廢勸
課之制冬峻出租之令下未見施惟賦是問賦不可已已當思令

百姓有已殷實司徒置田曹掾州一人勸課農桑察吏能否今宜
依舊置之必得清恪奉公足已宣示惠化者則所益實弘矣

其三曰諸外州郡將兵者及都督府非臨敵之軍且田且守又先

朝使五校出田今四軍五校有兵者及護軍所統外軍可分遣二
軍出并屯要處緣江上下皆有良田開荒須一年之後卽易且軍

人累重者在外有樵採蔬食之人于事爲便

其四曰建官以理世不己私人也如此則官寡而材精周制六卿

杜事春秋之時入爲卿輔出將三軍後代建官漸多誠由事有煩
簡耳然今江南六州之土尙又荒殘方之平日數十分之一耳三
省軍校無兵者九府寺署可有并相領者可有省半者粗計閭閻
隨事減之荒殘之縣或同在一城可并合之如此選既可精祿俸
可優令足代耕然後可責呂清公耳

其五曰古者親耕藉田呂供案盛舊置藉田廩犧之官今臨時市
求既上黷至敬下費生靈非所呂度奉宗廟蒸嘗之旨宜如舊制
立此二官

其六曰使命愈遠益宜得才宣揚王化延譽四方人情不樂遂取
卑品之人虧辱國命生長患害故宜重其選不可減二千石見居
二品者

其七曰罪不相及古之制也近者大逆誠由凶戾凶戾之甚一時
權用今遂施行非聖朝之令典宜如先朝除三族之制晉書溫
傳

全晉文卷八十

溫

七

兄弟相繼藏主室議

凡言兄弟不相入廟既非禮文且光武奮劍振起不策名于孝平
務宋志作孫神其事呂應九世之讖又古不共廟故別立焉今上呂策
名而言殊于光武之事躬奉丞嘗于繼既正于情又安矣太常恆
欲還二府君呂全七世嶠謂是宜晉書禮志上宋書禮志三大
興三年驛騎長史溫嶠議

惠懷愍于聖上呂春秋而言因定先後之禮夫臣子一例君父敬
同故可呂準于祖禰然非繼體之數也案太常恆所上欲還章郡
頴川呂全七代愚謂是恆又求京兆呂上三代在廟之西廂臣竊
不安通典四十八驛
騎長史溫嶠議

其非子者可直言皇帝敢告某皇帝又若呂一帝爲一世則不祭
禰反不及庶人宋書禮
志三

毀廟議

今兄弟同代已有七帝若呂一帝爲一代則當不得祭于禰乃不

及庶人之祭也夫兄弟同代于恩既順于義無否至于廟室已滿
大行皇帝神主當登正室又不宜下正室之主遷之就位自宜增
廟權于廟上設幄坐呂安大行之主若呂今增廟違簡約之旨或
可就見廟直增坎室乎此當問廟室之寬窄其廟室寬窄亦所未
詳通典四十八明帝崩祠部呂廟過七室欲
毀一廟又正室窄狹欲權下一帝溫嶠議

禁給溼米敕

稟者無米受得騙下溼米豈是吾遇兵眾無異之懷乎雖是數合
米欲令齊均若有不如教鞭五十御覽七
百七十

諫太子馬射

案太子答云宮
所陳知非口諫

臣聞千金之子猶不垂堂呂萬乘之貳若有駭駟之艱豈可不熟
念殿下縱一日之娛忘萬代之基凡人猶知其不可況在聖明文
英華六百二十七群元超諫皇太子陵曰晉明帝之在東宮
中庶子溫嶠中舍人劉放諫馬射云云劉放疑阮放之誤

與陶侃箋

全晉文卷八十

溫

八

霧氣過差則君道幽晦御覽
十五

爲王導答華太常書華恆

省示并博士議今明尊尊不復得繫本親矣先帝平康北面而臣
愍帝及終而升上懼所呂取議于春秋今所論太廟坎室足容神主
不耳而下愍帝于東序若案尊尊之旨愍帝猶子之列不可爲父
與兄弟之不可一耳案閔公僖公之弟也而傳云子雖齊聖不先
父食如此無疑愍帝不宜先帝上也今唯慮廟窄更思安處宜令
得並列正室通典四
十八

答王導書

近詔呂先帝前議所定唯下太常安坎室數今坎室窄其意不過
欲定先神主存正室故下愍帝也廟窄之與本體各是一事何呂
廟窄而廢本體也通典四十八元帝崩
溫嶠答王導書云云

與陶侃書

奉惠赤角一具及靴鼓馬鞭鼓角既周軍用馬鞭服呂周旋抗之于手與之偕老也偃武之日乃當藏之篋笥耳御覽三百五十九

重與陶侃書

僕謂軍有進而無退宜增而不可減近已移檄遠近言于盟府越後月半大舉南康建安晉安三郡軍並在路次同赴此會惟須仁公所統至使齊進耳仁公今召軍還疑惑遠近成敗之由將在于此僕才輕任重實憑仁公篤愛遠稟成規至于首啟戎行不敢有辭僕與仁公當如常山之蛇首尾相衛又唇齒之喻也恐惑者不達高旨將謂仁公緩于討賊此聲難追僕與仁公並受方嶽之任安危休戚理既同之且自頃之顧網繆往來情深義重著于人士之口一旦有急亦望仁公悉眾見救況社稷之難惟僕偏當一州州之文武莫不翹企假令此州不守約峻樹置官長于此荆楚西逼強胡東接逆賊因之曰饑饉將來之危乃當甚于此州之今日

全晉文卷八十

溫嶠

九

也呂大義言之則社稷顛覆主辱臣死公進當為大晉之忠臣參桓文之義開國成家銘之天府還當曰慈父雪愛子之痛約峻凶逆無道囚制人士裸其五形近來者不可忍見骨肉生離痛感天地人心齊一咸皆切齒今之進討若曰石投卵耳今出軍既緩復召兵還人心乖離是為敗于幾成也願深察所陳呂副三軍之望晉書溫嶠傳

蘇峻遂得志四海雖廣公寧有容足地乎賢子越騎酷沒天下為公痛心況慈父之情哉後魏書晉司馬衍傳案此即前篇約文

移告四方征鎮

賊臣祖約蘇峻同惡相濟用生邪心天奪其魄死期將至謹負天地自絕人倫寇不可縱宜增軍討撲輒屯次湓口即日護軍庾亮至宣太后詔寇逼宮城王旅燒敗出告藩臣謀盜社稷後將軍郭默冠軍將軍趙胤奮武將軍冀保與嶠督護王愷期西陽太守鄧

嶽鄧陽內史紀瞻率其所領相尋而至逆賊肆凶陵陷宗廟火延宮掖矢流太極二御幽逼宰相困迫殘虐朝士劫辱子女承問悲惶精魂飛散嶠闇弱不武不能殉難哀恨自咎五情摧擗慙負先帝託寄之重義在畢力死而後已今躬率所統為士卒先催進諸軍一時電擊西陽太守鄧嶽尋陽太守褚誕等連旗相繼宣城內史桓彝已勒所屬屯濱江之要江夏相周撫乃心求征軍已向路昔包胥楚國之微臣重趺致誠義感諸侯蘭相如趙邦之陪隸恥君之辱案劍秦庭皇漢之季董卓作亂劫遷獻帝虐害忠良關東州郡相率同盟廣陵功曹臧洪郡之小吏耳登壇歃血涕淚橫流慷慨之節實厲羣后況今居台鼎據方州列名邦受國恩者哉不期而會不謀而同不亦宜乎二賊合眾不盈五千且外畏胡寇城內飢乏後將軍郭默即于戰陣俘殺賊千人賊今雖殘破都邑其宿衛兵人即時出散不為賊用且祖約情性褊陋忌冠不仁蘇峻

全晉文卷八十

溫嶠

十

小子惟利是視殘酷驕橫權相假合江表興義呂抗其前強胡外寇目躡其後連漕隔絕資食空懸內之外孤勢何得久羣公征鎮職在禦侮征西陶公國之耆德忠肅義正勳庸弘著諸方鎮州郡咸齊斷金同稟規略呂雪國恥苟利社稷死生且之嶠雖怯劣忝據一方賴忠賢之規文武之助君子竭誠小人盡力高操之士被褐而從戎負薪之徒匍匐而赴命率其私僕致其私杖人士之誠竹帛不能載也豈嶠無德而致之哉士稟義風人感皇澤且護軍庾公帝之元舅德望隆重率郭後軍趙翼三將與嶠戮力得有資憑且悲且慶若朝廷之不泯也其各明率所統無後事機賞募之信明如日月有能斬約峻者封五等侯賞布萬匹夫忠為令德為仁由已萬里一契義不在言也晉書溫嶠傳

釋奠頌

敷論義與綜析毫芒賦納呂言麗辭孔彰管蕭備舉和樂載揚初學記

四十一

侍臣箴

勿謂其微覆簣成高勿謂其細巨由纖毫故曰善不積不足呂成
名話言如絲而萬里來享無呂處極而利在永貞是呂太子之在
東宮均士抗禮呂卑厥情入學齋齒言稱先生不呂賢自臧不呂
貴爲榮思有虞之蒸蒸尊周文之翼翼晨昏靡違夙興晏息師傳
是瞻正人在側屏彼佞諛納此亮直故傳敬德義臣思盡忠或稽
古訓導惟道之不融或造膝詭辭懼咎之蘊崇惴惴兢兢思二雅
之遺風鑒乎九三天祿永終近臣司規敢告常從

藝文類聚十六

全晉文卷八十

溫嶠

十一

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷八十終

全晉文卷八十一

烏程嚴可均校輯

陸喜

喜字恭仲一作文仲吳郡吳人吳選曹尚書瑁第二子孫皓時
累遷至選曹尚書入晉爲散騎常侍

自敘

劉向省新語而作新序桓譚詠新序而作新論余不自量感子雲
之法言而作言道觀賈子之美才而作訪論觀子政洪範而作古
今厯覽蔣子通萬機而作審機讀幽通思立四愁而作娛賓九思
眞所謂忍愧者也

晉書陸喜傳

西州清論較論格品篇

全晉文卷八十一

陸玩

一

其體潛而勿用趣不可測此第一人也避尊居卑祿代耕養玄靜
守約沖退澹然此第二人也侃然體國思治心不辭貴巨方見憚
執政不懼此第三人也斟酌時宜在亂猶顯意不忘忠時獻微益
此第四人也溫恭脩慎不爲諂首無所云補從容保寵此第五人
也過此已往不足復數故第二已上多淪沒而遠悔吝第三已下
有聲位而近咎累是呂深識君子晦其明而履柔順也問者曰始
聞高論終年啟寤矣

晉書陸喜傳

陸玩

玩字士瑤喜弟英之第二子元帝鎮江左引爲丞相參軍累加
奮武將軍後爲王敦長史敦平拜侍中遷吏部尚書轉尚書左
僕射領本州大中正咸和中封興平伯轉尚書令左光祿大夫
開府儀同三司加散騎常侍遷侍中司空卒贈太尉諡曰康
上表自陳

臣實凡短風操不立階緣嘉會便蕃榮顯遂總括憲臺豫聞政道竟不能敷融玄風清一朝序咎責之來于臣已重誠已身許國義忘曲讓而懷懷所守終于陳訴者特曰端右機要事務殷多臣已盈六十之年智力有限疾患深重體氣日弊朝夕自勵非復所堪若偃息苟免職事竝廢則莫大之悔天下將謂臣何乞陛下披豁聖懷霈然垂允

晉書陸玩傳

重表

臣比披誠款不足上暘天聰聖恩徘徊厲已體國臣聞至公之道上下互同用才不負其長量力不受其短雖加官重祿無世不有皆庸勳親賢時所須賴兼統曰濟世務非優崇曰榮一人臣受遇三世恩隆寵厚豈敢辭職事之勞求冲讓之譽徒曰端右要重與替所存久已無任妨賢曠職臣猶自知不可況天下之人乎今復外參論道內統百揆不堪之名有如皎日願陛下少垂哀矜使四

全晉文卷八十一 陸玩

海知官不可私于人人不可私取官則天工弘坦誰不謂允

晉書陸玩傳

疾甚上表

臣嬰邁疾沈頓歷月不蒙痊損而日夕漸篤自省微絲無復生望荷恩不報孤負已及仰瞻天覆伏枕實涕臣年向中壽窮極寵榮終身歸全將復何恨惟願陛下崇明聖德弘敷宏化會構祖宗之基道濟羣生之命臣不勝臨命遺戀之情貪及視息上表曰聞

晉書陸玩傳

與王導牋

僕雖吳人幾爲僞鬼

晉書陸玩傳玩嘗詣導食酪因而得疾與導牋

辭瑩

瑩字道言沛郡竹邑人吳太子少傅綜次子歷祕書中書郎孫休時進散騎中常侍孫皓初爲左執法遷選曹尚書領少傅出

爲武昌左部督坐事徙廣州尋召還復爲選曹尚書遷光祿勳入晉爲散騎常侍有後漢紀一百卷新議八篇集三卷

爲吳主皓請降書

吳郡孫皓叩頭死罪昔漢室失統九州分裂先人因時略有江南遂分阻山川與魏乖隔今大晉龍興德覆四海閭閻安未喻天命至于今者猥煩六軍衡蓋路次遠臨江洛舉國震惶假息漏刻敢緣天朝含弘光大謹遣私署太常張嬰等奉所佩印綬委質請命惟垂信納曰濟元元

吳志孫皓傳晉書王濬傳案時瑩傳云陸奉書于司馬伯王濬王濬請降其文瑩所造也

後漢紀光武贊

王莽之際天下雲亂英雄并發其跨州據郡僭制者多矣人皆冀于非望然攷其聰明仁勇自無光武儔也宏寬博納計慮如神是曰任光寶融望風景附馬援一見略識奇故能曰十數年間掃

全晉文卷八十一 薛瑩

三

除羣凶清復海內豈非天之所輔贊哉古者師不內御而光武命將皆授曰方略使奉圖而進其違失無不折傷意豈文史之過乎不然雖聖人其猶病諸

御覽九十一

明帝贊

明帝自在儲宮而聰允之德著矣及臨萬幾約身率禮恭奉遺業一曰貫之雖夏啟周成繼體持統無曰加焉是曰四海人安四夷賓服斷獄希少有治平之風號曰顯宗不亦宜乎

御覽九十一

章帝贊

章帝曰繼世承平天下無事故奉神朋友于兄弟悉省徭賦綏靜兆民除苛法蠲禁網抑有仁賢之風矣是曰陰陽洽和而百姓安樂眾瑞并集不可勝載攷之圖籍有徵云爾

御覽九十一

安帝贊

安帝之初委政太后十有餘年及親萬幾侯邪始進閭廡用事寵

加私愛阿母王聖勢傾朝廷遂樹奸黨搖動儲副山陵未乾蕭牆作難兵交禁省社稷殆危御覽九十一

桓帝贊

漢德之衰有自來矣而桓帝繼之曰淫暴封殖宦豎羣妖滿側奸黨彌興賢良被辜政荒民散亡徵漸積逮至靈帝遂傾四海豈不痛哉御覽九十二

靈帝贊

漢氏中興至于延平而世業損矣沖質短祚孝桓無嗣母后稱制奸臣執政孝靈呂支庶而登至尊由蕃侯而紹皇統不恤宗緒不祇天命上虧三光之明下傷億兆之望于時爵服橫流官曰賄成自公侯卿士降于卑賤遷官襲級無不曰貨刑戮無辜摧扑忠良俛諛在側直言不聞是曰賢智退而窮處忠良擯于下位遂至奸雄蠭起法防隳壞夷狄并侵盜賊糜沸小者帶城邑大者連州郡

全晉文卷八十一

辭璧

四

編戶騷動人人思亂當此之時已無天子矣會靈帝卽世盜賊相尋其後宮室焚滅郊社無主危自上起覃及華夏使京室爲墟海內蕭條豈不痛哉御覽九十二

脩列吳事

胡沖意性調美心趣解暢有刀筆閑于時事爲中書令雖不能匡矯亦自守不苟求容媚初學記十一

盛彥

彥字翁子廣陵人仕吳爲中書侍郎入晉爲長沙相本邑小中正太康中卒有集五卷

擊壤賦

論猷戲之爲樂獨擊壤之可娛因風託勢罪一殺口御覽七百五十五

藏軀賦序

余曰臘之後因祭祀餘胙要命中外曰行藏軀爲戲心悅其事故

賦之云御覽三十三又七百五十四
通桑梓敬議

竊見今編戶之人本或僑寓則不爲所居之國脩拜揖之敬先人舊壤追爲盡禮愚懷淺短良有疑焉夫人道繁衍宗流遐大根生一胃枝播萬緒故繁曠之枝異統則聖人檢之曰禮憲萬條之流難紀故王者制之曰境域是曰古人當其理也則君有常邑仕有定邦爰及六國至于末代全固之業傾瓜分之務起農夫不得安其耕爵士不得食其祿孔子稱危邦不入亂邦不居是爲離舊適新之制肯否向泰之文于斯尙矣蓋離舊曰其無道適新曰其宜宗肯否曰其多難向泰曰其可安可安則播殖于其野宜宗則振纓于其朝在家則人理足在官則臣道備人臣之義同而彼此之敬異余竊惑之昔孔子宋人也上自孔父逮于弗父何並服事宋仕有代祿至于仲尼道崇闕里乃爲魯人矣而春秋之作內營外

全晉文卷八十一

盛彥

五

宋諱我過彰彼非曰此微之斷可識矣而觀今日僑居之族其先人始祖不出是國枝葉播越居之數代公實編戶而私則寓客營家則號爲僑壤進官則名曰寄通高容雅步不爲有降一身居之尙在難安或父兄相承尊長遵襲近經數代遠或累朝學道講義習人之禮鄉舉里選假人之評居人之境曰繁我葉朝廷則祖考之濟我生由人之位曰光我屬恃人之寵曰輝我葉朝廷則祖考之所階山陵則神靈之所憑昔人思邵伯之愛尙敬甘棠之木況父母之所始卒而不知加尊推之于心豈道訓之謂哉又今人所追尊舊壤雖遠而爲之敬者何也猶曰有先業墳柏之故塋曩代桑梓之舊業耳蓋宗廟迭毀禮有降殺尊親之至父祖而已自此曰上情輕服簡故大夫及士祭極三代明恩由近始禮曰遠降也今遠禩之隳館何若近祖之先廬迭毀之墳柏何若祭祀之封境曩代之官府何若父母之朝廷先業之園苑何若今日之丘園雖古

人有維桑與梓必恭敬止之文所謂桑梓宜曰父祖為斷舊壤不復相由人無二主官無兩統愚謂宜為所寓之主曰崇公敬為先人本邦脩私敬而已散手而跪捧袖而揖曰示存舊過厚之意也

通典六十八

與劉頌書

沙錫垂口之產御覽八百五十七

石蜜遠國之貢味有可甘至尊曰養性書鈔一百四十七引盛公

公子與劉頌書公即翁之誤岑頌即頌之誤

周處

處字子隱義興陽羨人吳都陽太守鮑子仕吳為東觀左丞孫皓末兼太常無難督入晉為新平太守轉廣漢呂母老罷歸尋除楚內史遷御史中丞元康七年曰建威將軍討氏羌齊萬年戰死追贈平西將軍元帝為晉王策諡曰孝有默語三十篇風

全晉文卷八十一

盛彥周處蔡珪

六

土記三卷

奏殺李忽

覺父曰偷生破家已邀福子固告歸懷羸結舌忽無人子之道證父攘羊傷化汙俗宜在投畀曰彰凶逆畢刑市朝不足塞責御覽六百四十七引王隱晉書處為中書省事時女

蔡珪

珪汝南人為吳將入晉遷侍中

與弟敏書

古者兵交使在其間軍國固當舉信義曰相高而聞疆場之上往往有襲奪互市甚不可行弟慎無為小利而忘大備也晉書周浚

蔡洪

洪字叔開吳郡人仕吳入晉為州從事太康中舉秀才元康初

為松滋令有化清經十卷集二卷

圍棋賦

命班爾之妙手制朝陽之柔木取坤象于四方位將軍乎五岳然後畫路表界玄質朱文曲直有正方而不圓算塗授卒三百惟羣任巧于無主譬採菽乎中原于是攄妙思奮玄籌玩服色尚駢駒旅進旅退二騎迭驅翻翻馬合落落星敷各嘯歌曰發憤運變化已相符乍侶戲鶴之干覓人類狡兔之繞丘散象乘虛之飛電聚類絕貫之積珠然後枕曰大羅繕曰城郭綴曰懸險經曰絕落眇望翼舒翺翔容奔轡掌南指情實西射揚塵奄迹雖動詳悉或臨局寂然惟棋是陳靜昧無聲潛來若神抑舒之役成子之賢也或聲手俱發誼譁操擾色類不定次措無已再衰三竭銳氣已朽登軾望轍其亂可取也爾乃心鬪奔競勢使揮謙攜手詆欺朱顏如嫌然局不弘席子不盈捲秉二儀之極要握眾巧之至權若八卦

全晉文卷八十一

蔡洪

七

之初光遂消息乎天文屈則尺蠖舒則龍翻崔嵬雲起龍從浪傳崧岑山結杳如霧分靜若清夜之列宿動若流書之互奔殿未結而算了隸首不得窺其門局覆亂而不惑所乘不足識其源或設死而稱枉皋陶不能治其怨或巧逸曰樂胥后夔不足曰之讚我云勢貌多曰孰能究傳遠來近取予一曰貫藝文類聚七十四

關鳧賦

嘉乾黃之散授何氣化之有靈產羽蟲之麗鳧惟關鴨之最精稟離午之淑氣體鸞鳳之妙形服文藻之華羽備黠采之翠英冠綠葩曰曜首綴素色曰端纓性淳樸曰輕躁聲清響而好鳴感秋商之肅烈從金氣曰出征招爽藏于戲門文武勢于川庭爾乃振勁羽疎六翮抗嚴趾望雄敵忽雷起而電發赴洪波曰奮擊藝文類聚百十九

與刺史周俊書

一日侍坐言及吳士詢于芻蕘遂見下問造次承顏載辭不舉敕令條列名狀退輒思之今稱疏所知吳展字士季下邳人忠足婦非清足屬俗信可結神才堪幹世仕吳爲廣州刺史吳郡太守吳平還下邳閉門自守不交賓客誠聖王之老成明時之儔又也朱誕字永長吳郡人體履清和黃中通理吳朝舉賢良累遷議郎今歸在家誠理物之至德清選之高望也嚴隱字仲彌吳郡人稟氣清純思度淵偉吳朝舉賢良宛陵令吳平去職九皋之鳴鶴空谷之白駒也張暘字威伯吳郡人稟性堅明志行清朗居磨涅之中無滯磷之損歲寒之松柏幽夜之逸光也

世說新語卷八
孤奮論見晉書文苑
王沈傳亡

殷興

興一作基雲陽人吳零陵太守殷禮子仕吳爲無難督入晉遷尚書左丞有春秋釋帶十卷通語十卷

通語

全晉文卷人十一

蔡英 盤

八

異宮同爵共位別職鯉仁隆化幽贊神明者謂之太尉和五敘理人倫使風行俗平萬國咸寧者謂之司徒使國無枉理法錯刑清事均民聚者謂之司空若仁義之路開和平之氣通則五星順行庶績咸熙

御覽二百六
引古今通語

殷巨

巨字元大興子仕吳爲偏將軍統家部曲城夏口入晉歷蒼梧交阯二郡太守有集二卷

鯨魚燈賦

橫海之魚厥號爲鯨普彼鱗族莫之與京大秦美焉乃觀乃詳寫載其形託于金燈隆脊矜尾髻甲舒張垂首俛視蟠于華房狀欣欣呂竦峙若將飛而未翔懷蘭膏于胸臆明制節之謹度伊工巧之奇密莫尚美于斯器因綺麗已致用設機變而罔置匪雕文之

足瑋差利事之爲貴永作式于將來跨千載而弗墜

藝文類聚八

奇布賦

維泰康二年安南將軍廣州牧滕侯作鎮南方余時承乏忝備下僚俄而大秦國奉獻琛來經于州眾寶既麗火布尤奇乃作賦曰伊荒服之外國建大秦曰爲名仰皇風而悅化超重譯而來庭貢方物之綺麗亦受氣于妙靈美斯布之出類稟太陽之純精越常品乎意外獨詭異而特生森森豐林在海之洲煌煌烈火禁焉靡休天性固然滋殖是由芽萌炭中穎發燼開葉因燭潔翹與炎敷焱榮華實焚灼萼珠丹輝電近彤炯星流飛耀衝霄光赫天區惟造化之所陶理萬端而難察燎無爇而不燃在茲林而獨昵火焚木而弗枯木吐火而無竭同五行而竝在與大椿其相率乃採乃拊是紡是績每日爲布不盈數尺曰爲布帔服之無斃既垢既汙曰焚爲濯投之朱鑪載燃載赫停而冷之皎潔凝白

藝文類聚
八十五

全晉文卷人十一

殷巨

九

殷佑

佑字慶元興少子永嘉初爲宣城太守後遷吳郡內史

上牋請優贈顧榮

昔賊臣陳敏憑寵藉權滔天作亂兄弟姻婭盤固州郡威逼士庶曰爲臣僕于時賢愚計無所出故散騎常侍安東軍司嘉興伯顧榮經德體道謀猷弘遠忠貞之節在困彌厲崎嶇艱險之中逼迫姦逆之下每惟社稷發憤憤憤密結心腹同謀致討信著羣士名冠東夏德聲所振莫不響應荷戈駿奔其會如林榮躬當矢石爲眾率先忠義奮發忘家爲國歷年連寇一朝土崩兵不血刃蕩平六州勳茂上代義彰天下伏聞論功依故大司馬齊王格不在帷幕密謀參議之例下附州征野戰之比不得進爵拓土賜拜子弟遐邇同歎江表失望齊王親則近屬位爲方嶽杖節握兵都督近畿外有五國之援內有宗室之助稱兵彌時役連天下元功雖建

所喪亦多榮祿無一旅任非藩翰孤絕江外王命不通臨危獨斷
呂身殉國官無一金之費人無終朝之勞元惡既殄高尙成功封
閉倉庫呂俟大軍故國安物阜呂義成俗今日匡霸事舉未必不
出此而隆也方之于齊強弱不同優劣亦異至于齊府參佐扶義
助彊非創謀之主皆錫珪受瑞或公或侯榮首建密謀爲方面盟
主功高元帥賞卑下佐上虧經國紀功之班下孤忠義授命之士
夫考績幽明王赦所崇況若榮者濟難寧國應天先事歷觀古今
未有立功若彼酬報如此者也

晉書顧榮傳

陶璜

璜字世英丹陽秣陵人孫皓時爲蒼梧太守拜交州刺史進使
持節都督交州諸軍事交州牧入晉封宛陵侯改爲冠軍將軍
上言州兵不宜減

交土荒裔斗絕一方或重譯而言連帶山海又南郡去州海行千

全晉文卷八十一

殷浩 陶璜

十

有餘里外距林邑纔七百里夷帥范熊世爲逋寇自稱爲王數攻
百姓且連接扶南種類猥多朋黨相倚負險不賓往隸吳時數作
寇逆攻破郡縣殺害吏民臣百廷驚昔爲故國所采偏戍在南十
有餘年雖前後征討翦其魁桀深山僻穴尙有逋竄又臣所統之
卒本七千餘人南土溫溼多有氣毒加累年征討死亡減耗其見
在者二千四百二十人今四海混同無思不服當卷甲消刃禮樂
是務而此州之人識義者寡厭其安樂好爲禍亂又廣州南岸周
旋六千餘里不賓屬者乃五萬餘戶及桂林不羈之輩復當萬戶
至于服從官役纔五千餘家二州唇齒唯兵是鎮又寧州興古接
據上流去交阯郡千六百里水陸並通互相維衛州兵未宜約損
呂示單虛夫風塵之變出于非常臣亡國之餘議不足采聖恩廣
厚猥垂飾擢錫其罪釁改授方任去辱卽寵拭目更視誓念投命
呂報所受臨履所見謹冒瞽陳

晉書陶璜傳吳既平
城州郡兵璜上言

上言寬合浦珠禁

合浦郡土地磽确無有田農百姓唯呂采珠爲業商賈去來呂珠
買米而吳時珠禁甚嚴慮百姓私散好珠禁絕來去人呂飢困又
所調猥多限每不充今請上珠三分輸二次者輸一甌者蠲除自
十月訖二月非采上珠之時聽商旅往來如舊

晉書陶璜傳

陶回

回璜弟抗之子辟司空府中軍主簿不就大將軍王敦召爲參
軍轉州別駕司徒王導引爲從事中郎遷司馬封康樂伯後擢
補北軍中候轉中護軍遷征虜將軍吳興太守徵拜領軍將軍
加散騎常侍咸和二年徙護軍將軍卒諡曰威
上疏請振荒

當今天下不替荒儉唯獨東土穀價偏貴便相鬻賣必遠流北
賊聞此將窺疆場如愚臣意不如開倉廩以賑之

晉書陶回傳回
遷吳興太守時

全晉文卷八十一

陶璜 陶回

十一

人機穀貴三吳尤甚詔欲聽相鬻賣呂拯
一時之急回上疏云云不得報輒便開倉

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷八十一終



全晉文卷八十二

烏程嚴可均校輯

虞聿

聿字世龍會稽餘姚人吳騎都尉虞翻第六子仕吳爲越騎校尉累遷廷尉出爲湘東太守入晉除河間相

穹天論

天形穹隆當如雞子幕其際周接四海之表浮于元氣之上譬如覆匳呂抑水而不沒者氣充其中故也日繞辰極沒西而還東不出入地中天之有極猶蓋之有斗也天北下于地三十度極之傾在地卯酉之北亦三十度人在卯酉之南十餘萬里故斗極之下不爲地中當對天地卯酉之位耳日行黃道繞極極北去黃道百一十五度南去黃道六十七度二至之所舍日爲長短也

宋書天文志一隋書天文志上

全晉文卷八十二

虞聿

與族子察書

世之取士曾不招未齒于丘園索良才于總猥所譽依已成所毀依已敗此吾所已歎息也

虞曷

曷字子文翊第八子仕吳爲黃門郎超拜尚書侍中持節都督武昌已上諸軍事入晉爲濟陰太守

穹天論

天形穹隆如笠而冒地之表浮元氣之上譬覆匳呂抑水而不沒者氣充其中也日遠辰極沒西而還東不入地中也

虞潭

潭一作譚字思奧聿第五兄忠之子州辟從事主簿舉秀才大司馬齊王冏請爲祭酒除祁鄉令徙醴陵令召功賜爵都亭侯

領廬陵太守轉南康太守進爵東鄉侯并領安成太守元帝爲丞相召補軍諮祭酒轉琅邪國中尉及爲晉王除屯騎校尉賤

昨後徙右衛將軍遷宗正卿日疾歸明帝時拜冠軍將軍會稽內史徵拜尚書尋補右衛將軍加散騎常侍成帝時出爲吳興太守加輔國將軍進爵零陵侯轉鎮軍將軍吳國內史進爵

武昌縣侯咸康中進衛將軍呂母憂去職服闋拜侍中右光祿大夫卒年七十九贈左光祿大夫諡曰孝烈有大小博法一卷

投壺經四卷投壺變一卷

公除祭表咸和七年

今之諸侯服其親皆與士同無復降殺大宗之家喪服累仍若皆不祭是先人之享嘗永爲有廢臣謂三月之後禮情漸殺若非父母之喪尙通內外服踰月既葬可祭宗廟

通典五

父母乖離議

全晉文卷八十二

虞

諸失父母者疑行服之制日禮除喪而歸未奔者無不除之制若廢祭絕嗣皆不可行宜詳條制萬代可述

通典九

悼楊皇后宜配食武帝議咸康七年

世祖武皇帝光有四海元皇后應乾作配元后既崩悼后繼作至楊駿肆逆禍延天母孝懷皇帝追復號諡豈不日餘殲禹興義在不替者乎又太監二年臣忝宗正帝譜泯棄罔所循案時博諮舊齒呂定昭穆與故驃騎將軍華恆尙書荀崧侍中荀邃因舊譜參

論撰次尊號之重一無改替今聖上孝思祇肅禮祀詢及羣司將日恢定大禮臣輒思詳伏見惠皇帝起居注羣臣議奏列駿作逆謀危社稷引魯之文姜漢之呂后臣竊日文姜雖莊公之母實爲父讎呂后寵樹私威幾危劉氏案此二事異于今日昔漢章帝竇

后殺和帝之母和帝即位盡誅諸竇當時議者欲貶竇后及后之亡欲不日禮葬和帝日奉事十年義不可違臣子之道務從豐厚

此爲試讀，需要完整PDF請訪問：www.ertongbook.com